



# ЗАМАН



Газета издається на балкарском языке с 1924 года

Интернет-версия: [gazeta.zamankbr.ru](http://gazeta.zamankbr.ru)КЪАБАРТЫ-МАЛКЪАР РЕСПУБЛИКАНЫ  
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА  
КАБАРДИНО-БАЛКАРСКОЙ РЕСПУБЛИКИ

## Къабарты-Малкъар Республиканы Башчысы К.В.Коковну Медицинада ишлегенлени кюню бла А Л Г Ы Ш Л А У У

### Багъалы шухла!

Сизни профессионал байрамыгыз бла жюрегимден кызыу алгышлайма!

Медик – ол адам жюреги тартып сайлагъан усталыкъды. Сиз уллу эмда огурулу жумушха жоралагъансыз кесигизни – саусузлагъа багъуугъа, адамгъа артыкъда багъалы болгъан жашауун эмда саулугъун сакълаугъа. Ишигиз кыйынды - бек уллу жууаппылыкъны, кесигизни аямауну, жан аурутууну, болушлукъгъа келирге не заманда да хазыр болууну излеген.

Къайда урунсагыз да – поликлиникадамы, стационардамы неда фельдшер-акушер пунктдамы, адамланы, аланы ююрлерини къадарлары, хал-

кыбызны келир заманы да ма сизге кере боладыла эмда боллукъдула. Сау болугъуз арымай-талмай ишлегенигиз, сайлагъан усталыгызгызгыз кертчилей къалгъаныгыз, жюрек халаллыгызгызгыз ююн.

Биз мындан ары да республиканы саулукъ сакълауун игилендире барлыкъбыз. Бизни муратыбыз – медицина болушлукъ хар жерде да тынгылы болурча, аны бла ким да жалчытылырча этергеди, медиклеге шендюю заманнга келишген урунуу болумла кьураргъады. Бирге биз ол муратларыбызгыз жетерибизге ишексизме.

Барыгызгыз да кийик саулукъ, монглыкъ, ырахатлыкъ тежейме, ишигизден кьууаныгыз!

## ЭКОНОМИКА ФОРУМ – 2022

### Россейли командала жараула этерча – тынгылы спорткомплекс

КъМР-ни Башчысы **Казбек Коков** Санкт-Петербургдагъы XXV халкъла аралы экономика форумну кезиуонде Россейни спорт министри **Олег Матыцин**, Федерация Советни къауумуна кирген **Александр Карелин**, РФ-ни спорт министрини орунбасары **Одес Байсултанов** эмда Шимал Осетия-Алания Республиканы Башчысы **Сергей Меньяло** бла тубешгенди.

«Олег Васильевич бла аны кеп болмай Къабарты-Малкъаргъа келип кетгенини юсюнден селешгенбиз, регионда спортну, ол санда тау лыжалада учууну, андан ары айнытууну, инфраструктурасын игилендириуну онгларын сюзгенбиз. Ол санда сёз бизни республикада россейли командала тау тийреледе жарауларын бардырырча тынгылы



спорткомплекс ишлеуну юсюнден да баргъанды. Къабарты-Малкъарны тамаша табийгъаты, таза хауасы спортчулары хазырлаугъа аламан онгла кьурайдыла», - дегенди Казбек Коков кесини телеграм-каналында тубешууден сора.

### Ёсюуге кыйматлы атлам



Петербург халкъла аралы экономика форумда Къабарты-Малкъар Республиканы Правительствосу бла Россей Федерацияны Правительствосунда Аналитика араны араларында байламлыкъ тохташдырылгъанды. Документге КъМР-ни Башчысы **Казбек Коков** эм Аналитика араны таматасы **Константин Калинин** къол салгъандыла.

Тубешууну чеклеринде эки жаны да байламлыкъ онглары сюзгендиле. Сёз Къабарты-Малкъарны социал-экономика жаны бла комплексли

айныууна бурулгъан шендююлю информация-аналитикалы эм эксперт-аналитикалы бёлюмлени юсюнден баргъанды.

«Эм алгъа ол стратегиялы планированианы документлерин, миллет проектлени, федерал эм регион кьырал программаланы кийириуге, республикада ахшы инвестиция болумланы кьураугъа, инвесторла бла хайырлы байламлыкъланы жарашдыруугъа, бизни регионнга магъаналы бёлюмлеге деп экономикагъа инвестицияланы келтириуге бурулупду», - деп жазгъанды Казбек Коков кесини телеграм-каналында РФ-ни Правительствосунда Аналитика ара бла келишимге къол салыуну эсеплерине кере.

«Къырал управление бёлюмге алчы технологиялы сингдириу магъаналы борчланы терк толтуруугъа себеплик этерикди, инвестиция эм инновация иш бла байламлы соруулада системалы ызын игилендирирча мурдор кьураллыкъды, ол а шендююлю экономика болумлада магъаналы жер аллыкъды», - деп чертгенди республиканы оноучусу публикациясында.

## Къабарты-Малкъар Республиканы къырал саугъалары бла саугъалауну юсюнден Къабарты-Малкъар Республиканы Башчысыны УКАЗЫ

Саулукъ сакълауну айнытуугъа уллу кыйын салгъанлары, бийик профессионал усталыкълары эмда кеп жылланы бет жарыкълы урунганлары ююн

*Къабарты-Малкъар Республиканы Сыйлы грамотасы бла саугъаларгъа*

**ШАМИЛИНА Наталья Альбертовна** – Къабарты-Малкъар Республиканы Саулукъ сакълау министерствосуну план-экономика бёлюмюню таматасын;

*«Къабарты-Малкъар Республиканы сыйлы врачы» деген ат атаргъа*

**БАДРАКОВА Ирина Сафраиловна** – Черек муниципал районну «Ара район больница» къырал бюджет саулукъ сакълау учреждениясыны Аушигерде участка амбулаториясыны терапевт врачына

**ГЕККИЛАНЫ Жаннетге, Сапарны кызына** - Къабарты-Малкъар Республиканы Саулукъ сакълау министерствосуну «Республикалы клиника больница» къырал бюджет саулукъ сакълау учреждениясыны анестезиология-реанимация бёлюмюню анестезиолог-реаниматолог врачына

**КИБИШЕВ Валерий Мусовичге** - Къабарты-Малкъар Республиканы Саулукъ сакълау министерствосуну «Туберкулёздан багъуу жаны бла диспансер» къырал бюджет саулукъ сакълау учреждениясыны баш врачына.

Къабарты-Малкъар  
Республиканы Башчысы **К.КОКОВ**  
Нальчик шахар, 2022 жылны 15 июню, №57-УГ

## Жазылыу-2022



### Почтагъа барыргъа ашыгъыгыз!

#### Багъалы окъучула!

Шендю 2022 жылны экинчи жарымына газетлеге, журналлагъа жазылыу кампанияны кыстау баргъан кезиуюдо. Аны себепли бир амал этип, бу магъаналы эм керекли жумушну тамамларгъа онг табыгыз.

Малкъар тилде чыкъгъан жангыз газетибиз хар таулу ююрге багъалы къонакъча кирсин, уллугъа-гитчеге да акылы сёз негер, огурулу кенгешчи болсун. Жазылыуну алты айгъа багъасы **741 сом бла 6 капекди**.

**Бизни индексбиз – П 5893**

## КъМР-ни 100-жылпыгына 4 бет

«Халкъыбызны маданият  
жашаундан кепле  
хапарлы болсала сюеме»



## Дата

«Амалсызлагъа эс  
тапдыралсам, кьууанама»

*Хирург Кючменланы Музафарны жашы Мустафа Къазанда медицина институтну бошاپ, анда битеулю хирургиядан онкология курсну ординатурасын да ётгенди.*

## 9 бет













ЭСКИ СУРАТ

# Къайда да атларын иги бла айтдыра

Бу сурат Къыргызстанны Фрунзе областыны Кант районунда халкъыбыз туугъан жерине къайтыр жылланы аллында алыннганды. Анда адамланы жартысы къыргызлыладыла, къалгъанлары уа таулуладыла. Ала колхозда токда ишлей эдиле. Суратны редакцияга Текуланы Тахир келтиргенди. Сол жанындан Ючюнчю Жаланбаш тургъан Тахирни атасы Шамилди. Аны арт жанында фуражкасы бла Толбайланы Харунду. Биринчи тизгинде сол жанында тёртюнчю Текуланы Ханапийди. Аны арт жанында, башында бёркю бла сюелген киши Бапыналаны Тахирди. Онг жанында къыйырадагы уа Атмырзаланы Магометди. Бирси жашла уа къыргызлыладыла. Башында сагъынылгъан таула кёчгюнчюлюкден сау-саламат къайтып, асламысы Кенделенде жашагъандыла. Текуланы Ханапий



а Жангы Малкъарда тургъанды, Бюгюнлюкде ала дунияларын къойчулукъда атын иги бла айтдырганды. алышыпдыла.

ОСМАНЛАНЫ Хыйса.

СПОРТ

## Юйрениуле – Минги тауда




Россейни лыжалада учудан юниор жыйымдыкъ командасы бу кюнледе юйрениу-жарау этиулерин Минги тауда бардырады.

Кюнню халы иги болгъаныны хайырындан юйрениу программаны чурумсуз толтургъа онг чыкъгъанды. Лыжачыла жарауларын къыралыбызда эм бийикде орналгъан канат жоллада Гара-Башы станцияда (3827метр) ётдюрдиле. Эрттенги къаты къарда учар ючюн ала жумушларын 5:30 сагъатда башлайдыла. Жыйылула курорт жабылгъынчыгъа дери бардырыллыкъдыла, быйыл аны болжалын июльну аллына дери созгъандыла.

КУЛЬЧАЛАНЫ Зульфия.

## СЁЗБЕР



**ЭНИНЕ:** 7. Тау эл. 8. Жюгюн кеси тюшюрген машина. 10. Санат. 11. Къара агъач. 13. Биченлик. 15. Къышны шарты. 18. Кюн ортада ашагъан азыкъ. 20. Адыр. 21. Хапарчы. 22. Поэт .... Кашежева. 23. Арапда жюрюген ахча. 25. Жырчы таулу къыз Улбашланы ..... 27. Биттирланы полковник къызлары. 28. Къолан. 29. Кино кёргозтген къабыргъа. 32. Эртте аскерчини саууту. 34. Жылы келген. 35. Тобагъа къайтыу. 36. Жау сюртюлмеген эшикни тауушу. 37. Жабыу.

**ЁРЕСИНЕ:** 1. Къанатлы. 2. Тышындан келип, юйлю болгъан. 3. Къоншу миллет. 4. Баймакъ атлагъан. 5. Алаша шкаф. 6. Малкъарда аллай аты бла тепсеу барды. 9. Къыйынылыкъда ариу сёз аны береди. 12. Суу тюбюне батылгъан таурухлу къырал. 14. Жюрек тынчылыкъ. 16. Отну мыдыхы. 17. Къоншу къырал. 19. 8 март байрамны къурагъан Цеткинни аты. 20. Къагъытда адамны, затны сыфаты. 24. Бек эриши кёрюннген адам. 26. Зумакулланы Танзиляны аллай аты бла китабы барды. 29. Самолётну элтген къауум. 30. Артист къурагъан сыфат. 31. Багъалы табиьгъат басма къумач. 33. Къуругъан нартох сабах. 34. Дарман излетген шарт.

ГАЗЕТНИ 68-чи НОМЕРИНДЕ БАСМАЛАННАН СЁЗБЕРНИ ЖУВАПЛАРЫ

**ЭНИНЕ:** 7. Къашхатау. 8. Жукъучула. 10. Драматург. 11. Арина. 13. Усхур. 15. Адакъа. 18. Къыргыз. 20. Къаймакъ. 21. Азманчы. 22. Айыл. 23. Луар. 25. Муратлы. 27. Колыма. 28. Къалкъан. 29. Жылыу. 32. Къырау. 34. Акъмакъ. 35. Базыныучу. 36. Чырахтан. 37. Жаланлыкъ.  
**ЁРЕСИНЕ:** 1. Сабырлыкъ. 2. Марда. 3. Балата. 4. Мужура. 5. Пулгу. 6. Алтаулан. 9. Жаза. 12. Ногъайлыла. 14. Сайлаулыкъ. 16. Дамырлы. 17. Къанатлы. 19. Чалма. 20. Къылыкъ. 24. Къарышылыкъ. 26. Халаллыкъ. 29. Жазгъан. 30. Лена. 31. Улугъан. 33. Убых. 34. Аума.

Ангылатыу

## Хаж къылыргъа хазырлангъанланы эслерине

РФ-ни ФСБ-сыны КъМР-де Чекчи управлениясындан 2022 жылда Сауд Аравиягъа хаж къылыргъа жолгъа чыкъгъанлагъа эсгертиулени ачыкъ этгендиле.

Ведомстводан бизге билдиргенлерича, арап къыралгъа «Минеральные воды» аэропортдан учхан россейлиени тыш къыраллы паспортлары эмда Сауд Аравияны визалары болургъа тийишлиди. Тыш къыраллы паспорт тас болгъан кезиуде да тюбеучюдуле. Бу кезиуде чырмаула болмаз ючюн инсан биргесине россейли паспортну бла туугъанына шагъатлыкъ къагъытны алса игиди. Алай бла РФ-ге къайтыргъа женгиленирге боллукъду.

Тишируулагъа энчи излемле салынадыла. Аланы эрге чыкъгъанларыны юсюнден шагъатлыкъ къагъытлары болургъа тийишлиди. 45 жылдан жаш тишируу эр киши ашырады, аланы жууукълукълары документледе белгиленирге керекди.

Акълбалыкъ болмагъанла асламында законлу келечилери бла бирге барыучудула тыш къыраллагъа - атасы, анасы, осуйлукъ этген инсан эм башхала. Алай жууукъ таматала ашырмай эселе, тыш къыраллы паспорт бла бирге сабийни законлу келечилеринден бирини аны Россейден тышына чыгъаргъа къойгъаныны юсюнден документи болургъа керекди. Нотариусда жарашдырылгъан къагъытда акълбалыкъ болмагъан къайсы къыралгъа баргъаны, анда къаллай бир заман турлугъу да белгилениди.

Коронавирус жукъгъан аурууну жайылууна къажу жорукъланы сакъларгъа кереклисин да белгилениди ведомстводан.

Россейни инсанларына тышына барыргъа эркинликлерине чекле да бардыла. Ала РФ-ни Правительствосу 2020 жылда 27 мартда чыгъаргъан 763-чю номерли бегимде жазылдыла. «Жолгъа чыгъарны аллында «РФ-ден тышына барыуу эм РФ-ге келиуу низамыны юсюнден» федерал законну 15-чи статьясында белгилениген тизмеге эс бурургъа чакъларыбыз. Жашуа журт-коммунал жумушла, алиментле, налогла эм башха телеуле этилмей, борч жыйылгъан эсе, къыралдан тышына барыргъа чекле салынадыла. Шартланы Сюд приставланы федерал службасыны регионлада бёлумлеринде билерге боллукъду», - деп ангылатхандыла чекчиле.

Хажны кезиуонде радикал къауумла, инсанла бла байламлыкъланы къурамазгъа, Россейни къырал чегинден экстремист материалланы тизмесине кийрилген китапланы элтмезге кереклисин эсгертедиле. «Сауд Аравияда хакъсыз китапла юлешинедиле. Алай аланы алырдан алгъа къауумланы таматалары бла кенгеширге тийишлиди. Ала РФ-де чекле салыннган китапланы тизмесинде белгиленирге боллукъдула», - дегендиле ведомстводан.

Къыралны чегинден ётген кезиуде излемлени юслеринден соруулары болгъанланы бу телефон номерлеге сёлешип, жууапла алыргъа онгарлары барды (хар кюн да 9.00-18.00 сагъатха дери. 13.00-14.00 сагъатда солуу кезиу):

**Минеральные Воды ш.:**

тел. (факс) 8 (8792) 25-86-74

**Нальчик ш.:**

тел. (факс) 8 (8662) 48-18-58

Джиддада РФ-ни консульствосу ишлейди. Аны баш мураты Россейден хажликни толтургъан инсанлагъа ангылатыу ишни бардырыу, болушлукъ этиудю:

Адреси: Saudi Arabia, Jeddah 21454, P.O. BOX 15786, Al-Andalus str., 14.

Телефонла: (8-10-966-2) 665-92-12; (8-10-966-2) 665-92-55 .

Факс: (8-10-966-2) 665-92-32.

e-mail: ruscons1@awalnet.net.sa.

Басмагъа ТИКАЛАНЫ Фатима хазырлагъанды.

